


রুমে বঙ্গবন্ধু-হাসিনার ছবি

নজরুল বিশ্ববিদ্যালয়ের কর্মকর্তা বললেন ‘খেয়াল করি নাই’

নজরুল বিশ্ববিদ্যালয় প্রতিনিধি
০৪ আগস্ট ২০২৫, ১১:৩২ এএম



মো. হাফিজুর রহমান। ছবি: আমাদের সময়

ময়মনসিংহের জাতীয় কবি কাজী নজরুল ইসলাম বিশ্ববিদ্যালয়ের এক কর্মকর্তার রুমে বঙ্গবন্ধু শেখ মুজিবুর রহমান, ক্ষমতাচ্যুত প্রধানমন্ত্রী শেখ হাসিনা, সাবেক স্বরাষ্ট্রমন্ত্রী আসাদুজ্জামান খান কামালের ছবি সম্বলিত একটি ক্যালেন্ডার দেখা গেছে। এ বিষয়ে জানতে চাইলে ওই কর্মকর্তা জানান, বিষয়টি খেয়াল করেননি তিনি। বিশ্ববিদ্যালয়ের পরিকল্পনা, উন্নয়ন ও ওয়ার্কস দপ্তরের পরিচালক মো. হাফিজুর রহমানের অফিস কক্ষে এই ক্যালেন্ডার দেখা গেছে।



গতকাল রবিবার সরেজমিনে দেখা যায়, দেয়ালে ‘ক্যাম্পাস বিশ্ববিদ্যালয়’ শিরোনামে ২০২১ সালের একটি ক্যালেন্ডার রয়েছে, যেখানে শেখ হাসিনা, সাবেক স্বরাষ্ট্রমন্ত্রী আসাদুজ্জামান খান কামাল, বঙ্গবন্ধু শেখ মুজিবুর রহমান ও সাবেক রাষ্ট্রপতি আবদুল হামিদ খানের ছবি রয়েছে।

জুলাই গণঅভ্যুত্থানের এক বছর পেরিয়ে গেলেও সেই ছবিযুক্ত ক্যালেন্ডার কেন এই প্রশাসনিক কর্মকর্তার দেয়ালে ঝুলছে- এমন প্রশ্নের কোনো ব্যাখ্যা দিতে পারেননি বিশ্ববিদ্যালয়ের পরিকল্পনা, উন্নয়ন ও ওয়ার্কস দপ্তরের পরিচালক।



এ বিষয়ে মো. হাফিজুর রহমান বলেন, ‘বিষয়টি আমি খেয়াল করি নাই। ক্যালেন্ডার তো আমি টানাই না, কে টানিয়েছে আমি জানি না। আমরা থাকি ব্যস্ততার মধ্যে, এত সব কিছু খেয়াল করার মতো সময় থাকে না।’

তিনি আরও বলেন, ‘আমি শেখ হাসিনারও সৈনিক না বা বঙ্গবন্ধুর সৈনিকও না। কোনোদিন ছিলামও না। আমি ১৮ বছর চাকরি করছি, কোনোদিন জয় বাংলার স্লোগান দিয়ে চাকরি করি নাই।’